

KJKP "VODOVOD I KANALIZACIJA" d.o.o. SARAJEVO
DIREKTOR
Izvod broj: 88/17

Sarajevo, 19. 01. 2018 godine

Na osnovu člana 69. stav 2. tačka d) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj 88/17 od 04.01.2018. godine, u postupku javne nabavke br. 88/17 „Dezinfekcija, dezinsekcija i deratizacija“ donosi se :

ODLUKA

o poništenju postupka javne nabavke

Član 1.

Poništava se postupak javne nabavke broj 88/17 za nabavku usluga: „**Dezinfekcija, dezinsekcija i deratizacija**“ iz razloga što nijedna od primljenih ponuda nije prihvatljiva a sve u skladu sa odredbama člana 69. stav 2. tačka d) ZJN.

Član 2.

Ova odluka objavit će se na web stanici : www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj : 88/17 od 26.10.2017. godine.

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi : 60.000,00 KM.

Obavještenje o nabavci broj: 247-1-2-182-3-242/17 poslato je na Portal javnih nabavki dana 06.11.2017.godine, a sažetak Obavještenja o nabavci je objavljen u Sl. glasniku BiH broj 81. od 10.11.2017.godine.

Komisija za javnu nabavku imenovana je Rješenjem br. 293/16 od 03.11.2016.godine, dopunskim Rješenjem članova komisije broj 88/17-1 od 26.10.2017.godine.

Komisija za javnu nabavku dostavila je dana 12.01.2018.g. Preporuku o poništenju postupka javne nabavke za nabavku roba : „**Dezinfekcija, dezinsekcija i deratizacija**“ tender broj 88/17.

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda : 6 (šest) ponuda – „Eko - Tim“ d.o.o. Sarajevo; „Dezitox – Sanitarci“ d.o.o. Sarajevo; „Sanacija 3D“ d.o.o. Sarajevo; „Eko – Medic“ d.o.o. Sarajevo; „Sanitacija“ d.o.o. Sarajevo i „Deratizer“ d.o.o. Sarajevo

- Da je blagovremeno zaprimljeno: 6 (šest) ponuda – „Eko - Tim“ d.o.o. Sarajevo; „Dezitox – Sanitarci“ d.o.o. Sarajevo; „Sanacija 3D“ d.o.o. Sarajevo; „Eko – Medic“ d.o.o. Sarajevo; „Sanitacija“ d.o.o. Sarajevo i „Deratizer“ d.o.o. Sarajevo

Pregledom ponude ponuđača „Eko – Medic“ d.o.o. Sarajevo, konstatovano je da dostavljena ponuda ponuđača „Eko – Medic“ d.o.o. Sarajevo ne ispunjava zahtijevane tenderske uslove prema obliku u smislu pripreme ponude. Konstatovano je da dostavljena ponuda nije čvrsto uvezana na način da se onemogući naknadno vađenje ili umetanje listova a što je zahtijevano u tački 18.1 tenderske dokumentacije "Priprema ponude".

Dostavljena ponuda ponuđača „Eko - Medic“ d.o.o. Sarajevo je uvezana na način da je jamstvenik provučen kroz sve listove ponude, ali je samo jedan kraj jamstvenika obezbjeđen samoljepljivom etiketom dok je drugi kraj slobodan. Shodno tome, nesumnjivo je da se neobezbjeđeni kraj jamstvenika može odvezati i time je omogućeno naknadno vađenje ili umetanje listova u ponudi, a što nije dozvoljeno.

U tački 18.1 tenderske dokumentacije "Priprema ponude" je jasno definisano sljedeće :

„Ponuda se čvrsto uvezuje na način da se onemogući naknadno vađenje ili umetanje stranica osim garantnih dokumenata. Ako je ponuda izrađena u dva ili više dijelova, svaki dio se čvrsto uvezuje na način da se onemogući naknadno vađenje ili umetanje stranica. Dijelove ponude kao što su uzorci, katalozi, mediji za pohranjivanje podataka i sl. koji ne mogu biti uvezani ponuđač obilježava nazivom i navodi u sadržaju ponude kao dio ponude.“

Shodno navedenom Komisija jednoglasno zaključuje da dostavljena ponuda nije uvezana na način da se onemogući naknadno vađenje ili umetanje listova ponude a što je zahtijevano tenderskom dokumentacijom.

Iz navedenog razloga konstatovano je da ponuda ponuđača „Eko – Medic“ d.o.o. Sarajevo ne ispunjava zahtijevane tenderske uslove prema obliku ponude (uvezivanje u čvrsti uvez), te se kao takva odbacuje i nije predmet daljeg razmatranja.

Pregledom ponuda ponuđača „Eko - Tim“ d.o.o. Sarajevo, „Dezitox – Sanitarci“ d.o.o. Sarajevo, „Sanacija 3D“ d.o.o. Sarajevo, „Sanitacija“ d.o.o. Sarajevo i „Deratizer“ d.o.o. Sarajevo utvrđeno je da dostavljene ponude ponuđača „Eko - Tim“ d.o.o. Sarajevo, „Dezitox – Sanitarci“ d.o.o. Sarajevo, „Sanacija 3D“ d.o.o. Sarajevo, „Sanitacija“ d.o.o. Sarajevo i „Deratizer“ d.o.o. Sarajevo ispunjavaju zahtijevane tenderske uslove prema obliku i potpunosti u smislu pripreme ponude.

Daljim pregledom ponuda ponuđača „Eko - Tim“ d.o.o. Sarajevo, „Dezitox – Sanitarci“ d.o.o. Sarajevo, „Sanacija 3D“ d.o.o. Sarajevo, „Sanitacija“ d.o.o. Sarajevo i „Deratizer“ d.o.o. Sarajevo konstatovano je da isti ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ponuda, od strane stručnih lica za predmetnu nabavku je konstatovano sljedeće :

1. Ponuđač: „Eko - Tim“ d.o.o. Sarajevo

Za deratizaciju ponuđen brodilon sa 0,05 g/Kg (što iznosi 0,005%) aktivne komponente (bromadiolon). Brodilon sa 0,005% aktivne komponente prema Rješenju o utvrđivanju liste otrova koji se mogu stavljati u promet u FBiH, spada u III skupinu otrova. Tenderskom dokumentacijom je zahtijevano da se za deratizaciju koriste otrovi iz II skupine otrova prema Rješenju o otvrđivanju liste otrova koji se mogu stavljati u promet u F BiH.

Na osnovu navedenog utvrđeno je ponuđač nije postupio u skladu sa tačkom 7. tenderske dokumentacije „Opis predmeta nabavke“ pod 2.2 gdje je navedeno: „*Za obavljanje deratizacije će se koristiti isključivo rodetnicidi druge generacije antikoagulanata čiji sastav mora odgovarati skupini otrova II grupe iz Rješenja o otvrđivanju liste otrova koji se mogu stavljati u promet u F BiH*“.

2. Ponuđač: „Dezitox – Sanitarci“ d.o.o.Sarajevo

Za deratizaciju ponuđen brodilon sa 0,05 g/Kg (što iznosi 0,005%) aktivne komponente (bromadiolon). Brodilon sa 0,005% aktivne komponente prema Rješenju o utvrđivanju liste otrova koji se mogu stavljati u promet u F BiH spada u III skupinu otrova. Tenderskom dokumentacijom je zahtijevano da se za deratizaciju koriste otrovi iz II skupine otrova prema Rješenju o otvrđivanju liste otrova koji se mogu stavljati u promet u F BiH.

Na osnovu navedenog utvrđeno je da ponuđač nije postupio u skladu sa tačkom 7. tenderske dokumentacije „Opis predmeta nabavke“ pod 2.2 gdje je navedeno: „*Za obavljanje deratizacije će se koristiti isključivo rodetnicidi druge generacije antikoagulanata čiji sastav mora odgovarati skupini otrova II grupe iz Rješenja o otvrđivanju liste otrova koji se mogu stavljati u promet u F BiH*“.

3. Ponuđač: „Sanacija 3D“ d.o.o. Sarajevo

Ponuđač u specifikaciju, koja je sastavni dio Obrasca za cijenu ponude – Aneks III, Prilog 2., za stavku pod rednim brojem 3. „Victor gel“ nije u okviru kolone 6. „Količina sredstva“ naveo mjernu jedinicu već je naveo samo broj 710,85. Ovakvo postupanje ponuđača nije u skladu sa zahtjevom tenderske dokumentacije koji je naveden ispod specifikacije i to : „*U koloni 6 trebaju biti navedene planirane količine sredstava (sa mjernim jedinicama) za jedan ciklus aktivnosti. Ukoliko se nudi više vrsta sredstava, u tabeli mora biti jasno navedeno na koje se sredstvo ponuđene količine odnose*“.

4. Ponuđač: „Sanitacija“ d.o.o. Sarajevo

Za deratizaciju ponuđen bromadiolon, ali nisu dostavljene glavne karakteristike sredstva i nigdje u dokumentaciji nije naveden sastav aktivne komponente, te se ne može utvrditi u koju grupu otrova spada ponuđeni preparat. Bromadiolon zavisno od sadržaja aktivne komponente može pripadati I, II ili III skupini otrova. Tenderskom dokumentacijom je zahtijevano da se za deratizaciju koriste otrovi iz II skupine otrova prema Rješenju o otvrđivanju liste otrova koji se mogu stavljati u promet u F BiH.

Ponuđač je bio obavezan postupiti u skladu sa tačkom 15. tenderske dokumentacije pod b) i dostaviti glavne karakteristike sredstava u odnosu na djelovanje, iz kojih je vidljiv sastav aktivne komponente, a što isti nije učinio.

Ni za jedan ponuđeni preparat nisu dostavljena uputstva za primjenu sredstava izdata od strane proizvođača sredstava za dezinfekciju, dezinfekciju i deratizaciju a što je zahtijevano u okviru tačke 15. pod b) tenderske dokumentacije.

Tenderskom dokumentacijom je zahtijevano da se za dezinfekciju objekata pogona vodovod mogu koristiti samo sredstva u obliku gela a ne sredstva kojima se vrši prskanje. Ponuđač „Sanitacija“ d.o.o. Sarajevo nije ponudio sredstvo u obliku gela nego u obliku praha.

Tačkom 15. tenderske dokumentacije pod c) je zahtijevano da ponuđač u sklopu ponude mora dostaviti opis preventivnih mjera koje planira poduzeti prilikom izvođenja dezinfekcije, dezinfekcije, deratizacije, na objektima vodovoda, a u cilju sprječavanja kontaminacije vode na izvorištu, u rezervoarima i bunarima. Ponuđač „Sanitacija“ d.o.o. Sarajevo je dostavio kratki opis preventivnih mjera kojima nije obuhvatio načine zaštite vode na izvorištima i rezervoarima od mogućnosti kontaminacije sredstvima koja će se koristiti za provođenje dezinfekcije, dezinfekcije i deratizacije, te time nije postupio u skladu sa postavljenim tenderskim zahtjevima.

5. Ponuđač: „Deratizer“ d.o.o. Sarajevo

Za preparat Maxforce gel hidramethylnon (inskticid) za dezinfekciju vodovoda nije dostavljen dokument izdat od strane Ministarstva zdravstva FBiH da se aktivni sastojci u sredstvima koja će se koristiti u okviru obavljanja usluga DDD, nalaze na listi otrova koji se mogu stavljati u promet u F BiH u skladu sa Rješenjem o utvrđivanju liste otrova koji se mogu stavljati u promet u Federaciji BiH (Sl. novine F BiH 50/08) a što je zahtijevano tačkom 15. tenderske dokumentacije pod a).

Za deratizaciju ponuđen brodilon sa 0,005% aktivne komponente (bromadiolon). Brodilon sa 0,005% aktivne komponente prema Rješenju o otvrđivanju liste otrova koji se mogu stavljati u promet u F BiH, spada u III skupinu otrova. Tenderskom dokumentacijom je zahtijevano da se za deratizaciju koriste otrovi iz II skupine otrova a u skladu sa Odlukom o izmjenama odluke o obaveznoj preventivnoj sistematskoj deratizaciji na području Kantona Sarajevo (Sl. novine F BiH 7/17).

Na osnovu navedenog utvrđeno je da ponuđač nije postupio u skladu sa tačkom 7. tenderske dokumentacije „Opis predmeta nabavke“ pod 2.2 gdje je navedeno: „*Za obavljanje deratizacije će se koristiti isključivo rodetnicidi druge generacije antikoagulanata čiji sastav mora odgovarati skupini otrova II grupe iz Rješenja o otvrđivanju liste otrova koji se mogu stavljati u promet u F BiH*“.

Za dezinfekciju objekata vodovoda i objekata Butila ponuđeno po 4 L Bakticid-etanola, a u dostavljenom uputstvu proizvođača sredstva je navedeno da se sredstvo koristi nerazrijeđeno. U dostavljenom uputstvu nije navedeno koja količina sredstva se preporučuje za dezinfekciju određene površine kao što je to traženo tenderskom dokumentacijom, te se ne može izvršiti procjena da li su ponuđene količine dovoljne da obezbijede izvršenje usluge za sve objekte navedene u tenderskoj dokumentaciji.

Obzirom na navedeno, konstatovano je da ponude ponuđača „Eko - Tim“ d.o.o. Sarajevo, „Dezitox – Sanitarci“ d.o.o. Sarajevo, „Sanacija 3D“ d.o.o. Sarajevo, „Sanitacija“ d.o.o. Sarajevo i „Deratizer“ d.o.o. Sarajevo ne ispunjavaju zahtjeve ugovornog organa koji su traženi tenderskom dokumentacijom, zbog čega se ponude svih ponuđača smatraju neprihvatljivim i iste se odbacuju.

Polazeći od gore navedenih konstatacija i činjenice da za predmetnu nabavku **nijedna od primljenih ponuda nije prihvatljiva**, Komisija je utvrdila da su ispunjeni uslovi iz člana 69. stav 2. tačka d) ZJN za poništenje postupka javne nabavke, te je dala preporuku Ugovornom organu – ovlaštenom licu ugovornog organa da za predmetnu nabavku usluga : „**Dezinfekcija, dezinsekcija i deratizacija**“ – tender broj 88/17 donese Odluku o poništenju postupka javne nabavke.

U postupku predmetne nabavke utvrđeno je da nijedna od primljenih ponuda nije prihvatljiva, čime su se stekli zakonski uslovi za poništavanje postupka javne nabavke.

Iz gore navedenih razloga, primjenom člana 69. stav 2. tačka d) ZJN, donesena je Odluka o poništenju postupka kao u članu 1. ove odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:

-Ponudaču

-a/a

*Se
Muzur
Muzur*



v.d. Direktor

Azra Muzur

Azra Muzur, dipl.inž.građ.